

21.
N. II.

Auspice Jehovah!

DISSERTATIONIS POLITICÆ

De

ERGASTULIS.

FORUMQUE

MORALITATE,
PARS POSTERIOR,

Quam

Suffragante Amplissim. Facult. Philosoph. in Reg. Acad. Aboënsi,
PRÆSIDE
FRATRE CARISSIMO.

**Mag. ALGOTHO A.
SCARIN,**

Hist. & Phil. Civil. Profess. Reg. & Ord.

*Pro solitis in Philosophia honoribus,
Qua decet modestia ventilan-
dam sistit.*

REGIUS ALUMNUS

PETRUS A. SCARIN

W-Gothus.

In Aud. max. d. XXVI Junii, Anni
MDCCXXXII.

ABOÆ, Excud. R. Ac. Typ. Job. Kiampe.

SYNOPSIS.

- §. I. Viam ad præsens pandit argumentum.
- §. II. Distinctionem inter vetera ergastula & recentiora profert.
- §. III. Primum pœnarū finem, nōaon ex severa ergastulorum obtineri disciplina ostendit. &
- §. IV. Alterum finem Iupicis explicat. nec non
- §. V. Tertium finem magisteriac probar.
- §. §. VI. VII. & VIII. Usitatrum pœnarum, non eisdem esse effectus, qui ergastulorum, demonstrant.
- §. IX. Divisionem ergastulorum recentiorum, præcipue apud SueoGothos profert.
- §. §. X. XI. XII. XIII. XIV. XV. Personarum commodam in ergastulis invenientium stationem, mentionem faciunt.
- §. XVI. Questionem de hominibus diverse religionis, an e nomine in ergastulis compingi possint excutit, & finem tractationi imponit.

§. L

कृष्णाम् शुभ्राम् शुभ्राम् शुभ्राम् शुभ्राम्
शुभ्राम् शुभ्राम् शुभ्राम् शुभ्राम् शुभ्राम्
शुभ्राम् शुभ्राम् शुभ्राम् शुभ्राम् शुभ्राम्
शुभ्राम् शुभ्राम् शुभ्राम् शुभ्राम् शुभ्राम्

J. N. J.

J. I.

PRÆMIUM atque poenam
duo esse pondera, quibus
humanæ vitæ movetur
horologium, nemini non
constat. Præmii etenim spes ad
optima quæque studia promis-
tores, & poenæ metus ad pravas
& improbas actiones homines ef-
ficiunt tardiores; adeo ut, si qui
sint, qui hanc observare nolint
regulam: oderunt peccare boni vir-
tutis amore, obseruent necesse est
illam: oderunt peccare mali formi-
dine pæna. Hisce machinis seu

Dæ

in-

instrumentis Ergastula publice
privatimque erecta neque desti-
tuuntur, discrimen inter suorum
ingenia inquilinorum non negli-
gentia, quorum alia non nisi me-
tu premente flectuntur, alia ve-
ro nonnunquam liberalitati citi-
us, quam metui cedunt. Illis
valde terribilia sunt, & perpe-
tui carceris formidinem injiciunt:
his vero liberales & propitii euer-
getæ audiunt, eo qvod pœnitent-
ibus non solum aureæ liberta-
tis promittant *BegBaw*, sed spem
etiam protinus, simul ac vera e-
mendationis produixerint speci-
mina, adimpleant omnia. Fin-
gitur Orpheus cantu traxisse ar-
bores, stitisse cursus amnium,
brutorum animalium permulsisse
sensus, ferasqve bestias reddidisse
cieures: sed hujus rei veritas,
missa Poëtarum fabula, in pu-
blicis hisce cernitur domibus, qvæ
bar.

Barbaro ferinoqve ritu viventes:
ad humanum reducunt cultum,
& immania scelerum prodigia in
bonæ frugis filios redigunt atque
filias.

Harum Moralitatem societa-
tum, bono cum Deo, Tibi B. L.
sistere constituimus, sperantes
Te, solito tuo favore & benivo-
lentia, innoxios nostros labores
benigne excepturum fore.

§. II.

Antequam ad rem ipsam ac-
cedamus, minime incongru-
um duximus, nonnulla præmit-
tere, qvæ veterum ergastulorum
atque recentiorum nobis exhi-
bent differentiam, qvum horum
tantummodo, non illorum cum
lege covenientiam defendendam
sulceperimus. Ex scriptorib⁹ Ro-
manis duūm generum homines
in ergastula detrusos esse vetera,

noxios nempe & innoxios con-
stat: illos (puta, si qui e iervis in-
genio fuere contumaci & fugiti-
vo, nec non crebri in delicto) ex
more in hanc poenam damnabat
dominus. Damnabat ipse dico,
qvoniam judice ac sententia alia,
præter herilem, eo non opus e-
rat tempore. Id qvod etiam Ju-
venalis, dum hunc in modū de-
perdita loquitur nobilitate, adfir-
mare videtur:

*Quid facias talem fertitus, Pontice,
seruum,
Nempe in Lucanos, aut Tusca erga-
stula mittas.*

Hos vero, si qui viles servii,
captivi barbari, corpore tantum
boni, & qvib⁹ cerebrum omne, in
manu, uti dicitur, erat, pretio sibi
acquisivere domini; nisi qvod in-
genui interdum & liberi per vim
acque fraudem in ea detrudeban-
tur, ut ex C. Sveton: in vita Cæ-
saris:

saris Augusti constat: (a) rapti per
agros viatores sine descrimine liberâ
servique ergastulis possessorum suppre-
mabantur. In hodiernis autem er-
gastulis, servi bellici & civiles
non solum, sed sâpe etiam inge-
nui, qvicunqve vitiorum suorum
existenterint servi, magistratus au-
toritate compinguntur. Vete-
ra præterea ergastula a cive quo-
libet opulento; hodierna vero a
suprema solummodo exstruun-
tur majestate. Illa ad usum &
utilitatem solum privatam colo-
nis referta; hæc autem ad publi-
cam æque ac privatam, ut vir-
tutem discant inquilini, & vitia
civitatem turbantia dediscant. Il-
lis *literati* & catenati plerumque
inerant; his vero non item. Ibi
viri solum; heic feminæ æque
ac viri. Illorum mancipia non
ante vitæ finem, nisi ingens pro
illis solutionis acciperet pretium

domi.

dominus, liberabantur; horum autem cives, pœnitentia læſæ civitati verbo factoque ostensa, manu magistratus mittuntur sententia, & opificiis, quæ exercere inibi didicerint, non raro præficiuntur.

(a) Cap. XXXII. v. II.

§. III.

HEcce breviter prælibasse contenti, ad ipsam thematis propositi statim nos accingimus discussionem, ostensuri ejus cum lege convenientiam, nec non magnum in republica commodum atque utilitatem. Ergastula aliquid in se intrinsecus incongrui fovere nemo sanus, qui eorum naturam sibi cognitam habeat atque perspectam, facile affirmabit, quum sint civitatum quedam velut medicinales officinae: & quemadmodum illæ in

se

se non sunt malæ, sed saltim ac-
 cidenter & utentium vitio homi-
 num: ita neque ergasteria ex
 genere malorum esse centenda
 sunt, quæ a suprema majestate
 sunt instituta contra pravitatem
 indolis atque morum non pau-
 corum civium, ne in ipsorum &
 denique totius reipublicæ ner-
 vum & perniciem erumpat. Pœ-
 nae etenim atque coercitiones,
 quibus heic male feriati homines,
 necessitati potius, quam rationi-
 bus atque verbis parentes, puni-
 untur, legibus quam maxime
 conformes sunt, quod ex ipso
 pœnarum fine, quem Moralistæ
 fere omnes triplicem faciunt κό-
 λασιν, Τιμωρίαν atque Παράδειγμα lu-
 culenter monstrari potest. Ad
 primum quod attinet finem, qui
 nunc κόλασις animadversio, nunc
 παραίτησις admonitio, nunc νοθεσία
 commonitio audit, scopum su-
 um

um eo dirigen tem, ut vici osum delinquentium profliget habitum, in que vicem ejus substituat bonum, sciendum est, eum quam maxime ex severa ergastulorum obtineri disciplina; quum illa non solum omnem peccandi occasio nem removeat, nocendi que vi res adimat, sed talem etiam ex adverso necessitatem imponat, qua quis bene mereri cogitur, id que tanto temporis spatio, quanto peccandi consuetudo in desvitudinem sensim abire potest. Quod etiam celeberrimus Krausdus adfirmat, dum adserit, ergastulum pereuntes ab interitu servare immunes, sanabiles corrigere, vagabundos recipere, receptos fovere, desperatos erigere, erectosque nutriri. & paulo post: non solum laeorum dan na, quantum in se est, sed liter reparare, sed de fontium etiam salute tam egregie moreri ait, ut nullibi, quia

in hoc carceris stadio securius exules
 remigent, illorumque cymbis hisc Ne-
 ptuno consumissa semper inconsueta ma-
 neat. (b) Quin & Georgius Hac-
 cius pastor Hamburgensium i-
 dem innuere videtur, dum no-
 minat hasce publicas domos,
 frost-seulen / zur welchen alle mit
 ungerathenen kindern und bösen
 Leuten geplagte eltern und haus-
 halter ihre Zuflucht nehmen / und
 durch dij mittel die thriige zur
 beseherung zwingen und bringen
 können. (c) Sed objici potest,
 nonnullos tamen reperiri, qui
 ergastulorum disciplina ad meli-
 oreum non reduci possunt frugem?
 Esto nonnulla tam heteroclita &
 inflexæ cervicis dari capita, qvæ
 omnem penitus disciplinæ elu-
 dant virtutem; qvoniam tamen
 hujus insanabilis morbi nulla
 tam certa & indubitata haben-
 tur indicia, qvæ penitus fallere
 mesci.

nesciant, præsertim cum hominis de homine sæpe lubricum sit judicium, existimo instantiam istam nihil quidquam roboris habere ad denegandum ergastulo primum huncce pœnarum finem, nec exceptionem a regula ipsam destruere posse regulam.

(b) *De mirac. & egreg. usib. S. Raspin.* (c) *In Mosaischen Buchthause* fol. 7.

§. IV.

DE altero pœnarum obtinendo fine, *lupacia* nempe, atque bene laborat ergastulum, quod honorem & incolumitatem imperantium, quam privatorum (quo sub nomine quævis fortunæ veniunt bona) respiciat atque defendat. Etenim illis dignitatem, obsequium & exactam legum conciliar observantiam; his vero securitatem bonorum,

nec

nec non amissarum facultatum
atque læsionum refusionem,
dum eum scilicet in finem erga-
stulis mancipantur noxii, ut da-
mnum quocunq; dederint, la-
boribus suis diurnis, quoad si-
eri potest, resarcire cogantur.

§. V.

Tertius pœnarum finis ille
est, qui παραδειγμα seu ex-
emplum salutatur, & eo in pri-
mis dirigitur, ut peccantibus sup-
plicium, præsentibus formidinem
& posteris inferat documentum.
quod ex solemni formula fore
causarum criminalium liquet:
sig sielfwom til welförtient straf/
och androm till skj och warnagel.
Illud documentum, si ex alia un-
quam haberi potest pœna, certe
ex ergastulorum quam maxime
obtinetur. Neque enim potest
non horridus ille carcer, dura vin-
cula,

cula, concatenatus labor, severa
loci statuta, verborum increpa-
tio, verberum iactus, eduliorum
tenuitas, dira fames & pœnarum
diuturnitas: hæc inquam non pos-
sunt non vitiorum principia quæ-
cunque, tam intra quam extra
publicas illas domos vitam tra-
hentia a proposito abstergere ma-
lo. Sane humanitatis atque ratio-
nis non solum, sed sensus propè
omnis quoque expers erit, qui
durissima hacce poena non com-
moveatur, & vitam cum morte
permutare atque inter sepultos
molliter acquiescere non præo-
ptet, quam per omne vitæ tem-
pus, obdurato adversus humani-
tatem & virtutem animo, tot
carceris hujus miserias susti-
nere atque plagas. Huic me-
æ tentiæ modo nominatus
Krausoldus, dum ergastulares re-
cordatur pœnas, album addit cal-
culum: *En Supplicia*, dicens,

formentia, quæ non vanae vitro ful-
gura, aut inania uoruoſuſia ſed e-
ius generis tela fuit, que fontium
vitam in supplicii vicem, mortis de-
ro deſiderium in ſolatium vertunt.

(d) trac̄. medo nominato.

§. VI.

VIlo ſic quidem triplici pœna-
rum fine, eundemque ex
publica ergastulorum obtineri di-
ſiplina, monstrato, jam adduce-
re non pigebit, præposteros alia-
rum pœnarum apud gentes mo-
ratiores cumprimis uſitatarum
effectus, quo ex contrario erga-
ſtulorum eo facilius elucescat u-
tilitas. Si διαιτηγωσεις seu pu-
blicæ flagellationis effectus reſpi-
ciamus, eos nullius fere momen-
ti eſſe quotidiana, proh dolor,
teſtatum it experientia, inprimis
ſi eam ſæpius perpetiātur facino-
goſi, dum dorſum a virgarum
compunctionibus adeo accipiunt
calloſum, ut dolorem non ſenti-
ant

ant amplius; utpote tergo ex crebris flagellationibus ita indurato & impenetrabili reddito, ut impactis intentioribus lictoris ictibus flagella cedant ipsa potius lacerata atque vulnerata. Præterea flagellationis ignominia illa, quam nudato corpore publicis in locis magnoque hominum confluxu subire coguntur, omnem ex animis delinqventium prorsus exterminat pudorem, post quem irrepit impudentia, sui aliorumque mox comitata contemptu. quod carnifex quidam Dresdensis intellectus fertur, qui, cum santis fustigandi gratia jam ad supplicii progrederetur locum, seriis contestatus est vobis, se perquam ilubenter ad officium suum nunc accedere, eo quod talem, qui recte adhuc sensibus ire posset, ex dimidia bonitatis parte in extremum malitia gradum precipitatum sit, certo resci-

ret certius. Sane ubi hanc publicā sæpius perpeſſi fuerint pœnam verberones, nec honorem, nec aliorum de ſe sermones curant amplius. verum, ἀραιχυλιας εἰς πάντα τὰ ἀρχεῖα ἵγειρενιζος, desperanter agunt, prava ſodalitia quærunt, & ad illicitas confidunt artes, quibus ſibi complicibusve ſuis vitæ acqvirere poſſint adminicula.

§. VII.

Quid de proſcriptione ſeu ejectione dicam? Illa utique altera charybdis eſt & commune ſepulcrum, ubi neſcio, qvot hominum ſepeliantur myriades. Quid præſtar illa filiis immorigeris, qvid parentibus, cum ab iisdem per cæruleas vias ad Garamantas & ultimos Indos deportantur? Certe nihil aliud, qvam ut ſub ipsa deportatione, vel

E

fame

fame atque inedia necentur, vel
si mortem evadant, deteriores
proletariorum sodalitiorum con-
victu, certe non politiores ad
suos plerumque redeant penates.
Raro namque illud Poëtæ fallit:
*Cælum non animum mutant, qui
trans mare currunt.* Nec homi-
nibus ad justam provectionis æta-
tem, utpote latronibus, furibus
aliisqve facinorosis medicinam
adfert ejectio, qvæ licet alias
sat gravis pœna est, inter eos
tamen ne pœnæ quidem ratio-
nem habet; qvandoquidem sua
sponte cælum mutare, solumq
vertere persæpe soleant, quo fla-
gitiosæ negotiationis tanto feli-
cior alibi habeatur successus, u-
bi ulla non adhuc de moribus
eorum ore vulgi percrebuit no-
titia: id qvod etiam Dn. Stryki-
us innuere videtur, cum sermo-
num de exulta facit actionibus:

rele-

relegationem, inquit, grato animo
accipiunt, cum propter vitam vagabundam, quam rur sectantur, ubi
vis domi sunt, & artificium suum
exercere possunt, quocunque licet loco
corum commoventur. (e) Quid & Dn.
Reinkingius: qui ex urbe, ait, vel
civitate pelluntur nibilo properea
sunt meliores, sed posse deteriores,
dicentes secum: etiam si discessero
hinc, sol & luna in aliis etiam com-
spiciuntur regionibus. (f)

(e) De Saccular. cap. IV. n. 23. (f)
In regim. sec. & Eccles. Lib. II. clas.
I. cap: VIII.

§. VIII.

Quid denique dicendum ve-
nit de legiātōnias atque
suspendii poena, num illa suffi-
cit ad cohibendum atque repri-
mendum malitiam scelerorum
hominum? illa quidem facino-
rosis

rosis maiorem ceteris pœnis in-
cudit timorem: tamen eam non
ut subitaneam solum, sed &
communem peccati legem sibi
cum aliis implendam spernunt,
quod exemplo qvodam insuper
a Celeb. Krausoldo adducto hau-
riri potest: Non ita diu, inquit,
par nobis fratrum vidi, quibus ob-
furtum aliquoties reiteratum laquei
pena jam erat indicta: horum alter,
cras mihi, dixit, pereundum est, sed
utinam ita facinoris mei tulisset ra-
tio, ut rota non laqueo frangeretur
gula. Adstantes cum inepti hujus
desiderii caussam rogarent, in cachin-
num effusus: an nostis respondis
corpus rota impositum longe mollius
acquiescere, quam si patibulum a-
gens longam in aëre facit litteram.
Nec minor alterius correi fuit tem-
peritas, qui forem juravit lapidem,
se decies hanc mortem adhuc mereri
uelle, si per naturam decies eam sub-

ire concessum esset (g). En luctu-
osissimos identidem suspendii
effectus, pœnarum finem æ-
gre obtinentes! Longe vero
felicius, immo ex sententia
ergastularis procedit pœna. Præ-
stat illa legibus observantiam,
magistratus honorem salvum te-
ctumque & privatorum bonis
omnigenam securitatem. Qvan-
doqvidem vires plane humanas
exsuperat, immo ipsam bestia-
rum transcendit ferocitatem,
per omne vicæ tempus gravissi-
mos concatenatosque perferre
labores, mortuorum boum in-
tergum incursionses non ex-
horrescere, famem sitimque de-
spicere, vestium fœditatem ae-
que carceris fœtorem negligere,
nulla deniqve pœnarum diutur-
nitate, nulla spe nulloque com-
moveri metu. qvæ omnia er-
gastulorum inquilini sine remis-
sione.

sione subire coguntur , si mores
suos a virtutis tramite deflexos
leniori viâ mutare noluerint.

(g) *Eodem tractatu pag. 85.*

§. IX.

POstqvā sic in genere breviter
magnam ergastulorū præ reli-
qvis pœnis hoc tempore quam
maxime usitatis utilitatē ostende-
rimus , velim distinctionem qvan-
dam hodiernorum exhibere er-
gastulorum , qvæ in servilia &
disciplinaria commode dispelci
possunt. Illorum exempla esse
apud exterorū possunt triremes ,
apud nostrates Marstrand / Fre-
drichshamn / Smedgården / qui-
bus capite diminuti cives facino-
rosi ad dies vitæ , aut tempore
alias satis diuturno mancipantur ,
& Tuchthuset / ubi feminæ de-
spumatæ neqvitæ coguntur quo-
tidie

tidie fere molam erufatilem, i-
diomate vernaculo, Tiusq*u*ar-
nen circumagere, nec non fora
atq*ue* plateas honoratorum ci-
vium repurgare atque latrinas.
Horum vero sunt in urbe domi-
na: Gilstugan decoctorum im-
proborum atque fallitorum locus
comitiorum, in quem sine ali-
quo tamen labore exantlando, in
spem resipiscentiæ, & ut cautius
inde mercari discant, inviti con-
venire solent. Barnhuset brepho-
trophiū ibi infantes & pueri cum
puellis cura destituti parentum
fluorum aluntur, vestiuntur, do-
centur, & pro naturæ dotib*q* insti-
tuuntur donec adoleverint. Adul-
ti vero, pueri mercatorib*q*, opifici-
bus manuariis aliisq*u* traduntur:
quemadmodum puellæ in hone-
ftis servituræ familiis, emanci-
pantur adultæ. Et denique Rasp
och Spinhus / S. Poni & Raspi-
ni.

ni domicilia à nonnullis huc're-
feruntur , quippe civitatem in-
utilibus terræ ponderibus modo
perqvā utili liberantia. Sed velim
dicas, quo tempore ambo illa erga-
steria, que lingua vernacula Tucht-
hus & Spin och Rasphus nō mi-
nantur Holmiae erecta sint? Prior il-
la publica domus initium suum
An. 1624. habuit regnante rege
gloriosissimæ memorie GUSTAVO
ADOLPHO , qui Joachimo Tri-
band mercatori cuidam ho-
norato permisit colligere o-
rmanes in vicinia nebulones, men-
dicantes validos, meretrices, ali-
osq; ejusdem farinæ homines, par-
tim ut victum & amictum labo-
ribus suis sibimet ipsis compara-
rent, partim quoque, ut aliqua
utilitas exinde in ipsum instaura-
torem & rempublicam redun-
daret. Et ut institutum hocce eo
felicius effectui daretur quinques
mille thaleros argenteos civi mo-
do

do nominato è publico solvi curavit, quibus instrumenta huic provehendo consilio apprimè necessaria acqvirere ipsi incubuit. Posterior vero confessus seu societas, quam S. Ponius & Raspinus (ut fuisse Dn. Mart. Zeileri utar vocabulis) in specie sibi vindicat, primordia sua vedit d. 3. Junii An. 1724. cum ex consensu ordinum imperii, jussuque regis nostri clemētissimi FREDERICI I:mi privati cujusdam civis dominus & locus suburbanus in insula Långholmen primum emeretur, & utilissimo instituto consecraretur. Dehinc autem factum ut otiosi, prodigi, vagi, & quæcunq; alia culpatæ conversationis & desperatæ emendationis mendicabula cujusve ætatis atq; sexus in eadem detrudantur, & ad labores cujusque ingenio, & ætati convenientes coarctentur, ita ut,

ut, si debitum laboris pensum
 præfixo tempore non perficiant,
 non solum cibariorum tenuitate,
 verum etiam fustibus, virgis aliisq;
 corporis afflictionibus ad opus
 faciendum compellantur. Quid?
 qvod ne membra hujusce socie-
 tatis, qvi anno proxime præter-
 lapsi numerum fere trecentesi-
 mum exsuperarunt, cum labora-
 re discunt, pietatem dediscant,
 proprium suum quoq;ve habent
 Pastorem, qvi mane & vesperi-
 ovili huic suo, ad preces fun-
 dendas voce præit, diebus festis
 conciones habet, & deniq;ve fi-
 dei profectuumq;ve Christianismi
 rationem, qvoties usus & cuius-
 que necessitas postulat, diligen-
 ter exposcit.

§. X.

JAm ad personas commodam
 in ergastulis invenientes sta-
 tionem

tionem pedem ulterius promoveamus. In genere vero, pulvere in illo stipendia merebuntur & mares & feminæ cujusque ætatis, hac tamen cum distinctione, ut uterque sexus peculiaria in ergasteriis habeat loca exercendæ industriaæ, suas cellas atq; mansiones. In specie vero primam teneant sedem *Desides* & *otiosi*, qui non solum in antiquissimum Dei mandatum; *in sudore vultus tui vesceris pane tuo*, (b) delinqunt, verum etiam in salutem publicam, dum plane nihil ad illam conservandam conferunt. quin potius aliorum operas devorant, quum propriis laboribus de victu necessario sibi nil plane prospiciunt. Cum vero sit otium scelerum mater fœcundissima & lerna omnium malorum; hinc neque mirum Syracidem in suo œconomico jubere

bere omnino: servum in opus im-
mittendum, ut non otietur, cum
multum malum doceat otium (i). Im-
mo sacer Rex & vates David in
Psalmis jubet otiosos, laborem
manuum suarum, non vero a-
liarum, manducare. Et genti-
um doctor Apostolus Paulus,
severissime suos auditores ad la-
borem adhortatur, etiam ci-
bum non laborantibus denegan-
do; *Quum essemus, inquit, apud
vos hoc demandabamus vobis, si quis
nolit operari etiam non edite (k).*
Cum præceptis illis divinis, gen-
tium etiam moratorium conve-
tudines olim congruebât, qui oti-
osis nihil dabant; iniquum affirmâ-
tes eos frui laboribus industriæ
alienæ. qvare si quis mutuum
illis dedisset, eum quasi ignaviæ
patronum supplicio mulcabant.
qvorsum pertinet etiam judici-
um apprime pium atque civile

Augu-

augustissimi Regis nostri FREDERICI, qvi nuperrimo edicto universis, qui suspensa hederæ signū militiæ præferūt, prohibuit, ne comissabundis Scholarum alumnis, sui non dum juris atque arbitrii, pecunias aliasve res ad provehendam luxuriæ & ignaviæ voluptatem mutuo subministrarent, sub pœna omnis crediti amittendi, jurisque quocunq; modo repetendi illius, si religionem edicti violare præsumerent. Quæ cum ita fint, melius cum improbis juvenibus certe agi nequit, qvi spontaneos manuum suarum labores manducare nolunt, quam si in ergasteria compacti eosdem ibi acquirere, & acquisitos manducare adstringantur.

§. XI.

(b) Gen. 3. v. 19. (i) Cap. 33. v. 29.
 (k) 2. Thessal. 3. v. 10.

Alterum ergastuli locum oecupent mendicantes validi, qui non raro tibias atque manus sibi intumescere faciunt, vel alios morbos naturæque defectus simulant, & nescio quæ symptomata mentiuntur, quo homines eo facilius decipient, & eorum in se promoteant misericordiam. Hi non solum in Deum & naturam, verum etiam in pauperes, & eorum injurii sunt patronos, atque adeo quadruplici se pollunt delicto. In *Deum* quidem, dum membra, queis omnium rerū ille conditor coli honorarijs debebat, in fœdissimarum æruscationum instrumenta vertunt: in *naturam*, si quas corporis partes, naturali suo vigore & integritate gaudentes dolose morbidas & monstrosas fingunt: in *pauperes* dum miseræ huic plebeculæ bolum

Ium e faucibus eripiunt: & de-
nique in eleemosynarū largitores,
qvorum pietatem & misericor-
diam ludibrio habent, & frau-
duleñis artibus tantam s̄epe pe-
cuniae summam corradunt, qua-
lis ad inferendam laquei pœnam
certissime sufficeret. Hinc lau-
dabilis Caroli Magni constitutio:
mendici per regiones vagari non per-
mittuntor: suos pauperes quaque ci-
vitas alito: illis nisi manibus operem-
tur nullus quidquam dato. Henri-
cus II. Galliæ Rex edicto quo-
que cavit, ut decuriones men-
dicos validos operibus publicis
exerceant, teste Thuano. Et b.
D. M. Lutherus horum consti-
tutionibus album addit calculum:
Es gebühret den Fürsten und
Weltlichen Regiment / das sie
im Lande und Städten ein flei-
siges einsehen hätten auf solche trü-
gerey und ranberey der vielen
bets

bettler / und solten solche faule schelme / die nicht arbeiten wollen / ernstlich straffen / den die selben berauben uns / und nehmen denen armem / die bei uns wohnen / das brodt so ihnen Gottselige leute geben wollen für den maule hinweg (1). Et actum certe esset de salute publica , si alii cives laborarent strenue , alii non nisi famelicos adferrent ventres , ad depascendum , ignavorum in apario fucorum more , qvidqvid industria ceterorum ad publici status conservationem contulerit . Illos itaqve favis suis imminentes , si a præcepibus arceant , & in ergasteria , licet invitatos detrudant , ad comparandum in sudore vultus sui panem quotidianum , qvid ab honestate & publica utilitate alienum Principes facturi sunt? sciendum tamen heic est , nos a civitate eos ,

os, qui omnium merentur commiserationem non excludere, licet sint illi tamen ob manifestam utilitatem civitatis a foribus honestorum civium ad Xenodochia, Prochotrophia, Orphanotrophia, Gerontocomia & Nosocomia relegandi, quæ eo majori conservari debent liberalitate, quo pluribus alendis, necessitate urgente, destinata fuerint

(l) in aureo comment. ad Gen: 43.

§. XII.

Tertiā stationē inveniant
Cingari, germ. Sigeuner /
lingva vernacula Tartare / qui
Sturiis regnantibus in Scandia pri-
mum apparuere, & ex variis na-
tionib⁹ sunt collectorum hominū
sentina, sine certis sedib⁹ regiones
peragranates, ex mendaciis, furtis,
rapinis, eqvorum permutationi-
bus, mendicationibus & chiro-
mantica divinatione, vitam tra-

F

hen-

bentes(m). Hos solent quidem civitatum rectores severissimis mandatis regni sui finibus prohibere; quale legibus quoque nostris severissimum extat edictum de Anno 1662. d. 14. Maii: ubi si exterminati semel in criminis quocunque reperiantur, deinceps ad restim, nullo praevio judiciali processu, condemnantur. Sed qui in ergastula perpetuo, aut ad certum tempus detrudi forte magis commode possunt, quo & ipsi proprium suum panem munere ipsis atque reipublicæ profuturo, non vero furatis atq; rapinis acquisitum comedant.

(m) Camer. H. S. I. 17

§. XIII.

Quartam sedem obtineant *decoctores improbi*, qui vulgo banciruptores & falliti vocantur; hi nobis nihil aliud sunt, quam
me-

negligentes & perfidi mercatores, qui alios homines per multa & credita dolose decipiunt ac bonis suis privant (de illis vero nobis sermo non est, qui per infortunium, casum & vim maiorem bona sua amittunt, & commiserationē non vero pœnam atque coercitionem commerentur.) His antea concessum fuit patriæ legibus mensam evertere i. e. bonis cedere, verum quum decotores isti hoc abusi sint beneficio, dum vel pecunia large instructi foro cedunt, vel se plus solvere non posse quam habent, credunt; recte in posterum ipsis hoc denegarunt beneficium summi imperantes & pro re natâ, ad publicam ignominiam modo. alios ad operas publicas & ergastula damnarunt.

§. XIV.

Quintam mansionem possideant sacerdotalii Beutelschneider
F 2 und

und Spisshuben/ qvi ex rapto
vivere adiecti semel artibus
fraudulentis ad illud institutum
provehendum omnem impende-
re solertiam & ingenium solent;
Hi qvoniam furandi studium
qvasi artem exercent, & post a-
liqvot annos tam ingeniosi
scelerum artifices evadunt, tan-
taqve apud eos in rebus alienis
subtrahendis crumenisqve secan-
dis manuum esse soleat agilitas ut
omne ingenium in digitos qvasi e-
orū abiisse videatur. et qvod cete-
ras pœnas attinet, utpote fustiga-
tionis aut relegationis, easdem
tantum non omnes ludibrio ha-
beant. qvis non videt severiori
pœna, ergastulari nempe, tuti-
us coercendos esse, qvo illius
formidine peccare desinat, &
criminis hujus complices statuto
in sodales rigidissimæ leveritatis
exem-

exemplo cautius in posterum
mercari doceantur.

§. XV.

Sextam denique classem con-
ficiunt liberi immorigeri & ad-
versus omnem disciplinam do-
mesticam contumaces. Sed de
illis nullius adhuc publici de-
licti per aetatem capacib⁹ anceps
valde est quæstio: an illi quoqua-
bonario alicui temporarie ser-
vitutis generi mancipari possint? Quo
minus duriori jugo subjiciantur
cervices eorum obstat videtur
primum, Libertas naturalis, quam
in statu civili non facile quis-
quam servitute permutavit, nisi
per modum poenæ ob antegres-
sum ingens crimen, quo maje-
stas & jura imperii insigniter læ-
sa fuerint atque violata. Tum
obstat quoque immaturæ fervor-
ætatis, qua durante, cæco im-
petu naturæ magis quam obsti-

natione animi rationisqve consilio a virtutis tramite aberrare solent; quamobrem actuum se-
cūs patratorum auctores certe non ulla humana, ne dum civili iegē haberi solent. Denique metuendum, ne isthac severitate disciplinæ in sui ipsorum odium & fastidium primum, mox etiam malorum omnium extremum, desperationem incidant.

Hæc qvanquam sine ratione non objiciuntur, juste tamen illi quoqve, si breviore via ad virtutem & ad officium revocari non possunt, in ergastula ablegantur, quatenus emendatio morum non ipsis modo sed & reipublicæ necessaria. Id vero vi canonis in moralibus vulgatissimi: *necessitas finis jus dat in moralibus*, facile probatum imus. Ille finis, si quando frustra intendi-

GWL

tur per moralem coactionem,
 qualis in sedibus parentum, scho-
 lis atque gymnasiis præcipue ob-
 tinere solet: inquam si rigidior
 cervix eorum, quam ut tranquil-
 la potestate & leniore jugo ad
 mansuetudinem & obsequium,
 piis parentum aliorumque quo-
 rum interest monitis, præstan-
 dum, adduci possint, illa vio-
 lenta magis & diuturnior anim-
 adversio eo usque juste intendi-
 tur, donec frangi potest peccan-
 di obstinatio, vitiaque sensim de-
 discant, quæ per longas olim in-
 valuere moras. Dicimus in pro-
 uerbio: *duro nodo, durum esse qua-*
rendum cuncum: In moribus aspe-
 ris juvenum domandis & leni-
 endis, qui non idem obtineat,
 si obdurata adversus omnem vir-
 tutem cervice jugum Musarum
 & omnis liberalioris imperii de-
 cretent perpetuo.

Quod

Quod ad alteram instantiam attinet, sciendum est, qvod ergasteria ejusmodi ætati & perveritati & vitæ generi juvenum accommodata, non pœnæ alicujus civilis rationem habeant: sed sint gymnasia, in qvibus ad utiliter exercendas animi atqve corporis vires suas ex legis divinæ præscripto adiguntur; qvorum, puta gymnasiorum, nisi frenis coërceatur furens insanias, excludantur prava sodalitia non alios homines solum violabunt, eorumqve jura intervertent, sed DEUM quoque auctorem viræ & conservatorem superbe fastidiens & aspernabuntur.

Metus, quem tertio loco adduximus, ille Terentino illi, quod si cœlum ruat, non absimilis erit: etenim longe plures licentia & morum incorrigibilis pertinacia, qvam desperatio perdi-

dedit. Saulem cecidisse ait sa-
cra pagina mille homines, Da-
videm vero decem millia. De-
sperationem consimiliter mille
homines neci dedit, licentiam
vero & incorrigibilem morum
pertinaciam, data non ipsis so-
lum, sed & aliis innumeris lata
via peccandi, innumerabilem ho-
minum, præcipue vero juvenum
turbam perdere, tristis ipsa lo-
quitur experientia. In exteris
regionibus ergasteriorum *bono-*
ratiōrum quoque disciplina pas-
sim obtinet. in quibus soboles
natalibus orta honoratioribus, a
libidine & luxuria ad conveni-
entes sexui & ætati & vītæ con-
ditioni operas, salva penitus ex-
istimatione, adstringuntur, dum
despumauerit ætatis feruor & ex
consuetudine malorum cōtractam
prævaricandi licentiam iterum
sensim & minutatim dedidicerint.

In nostra republica utrum ejusmodi instituti societas aliqua publice utilis sit, prudentioribus decernendum relinquo. Quidquid sit, si talis institueretur, quæ incolumi artium quarumcunque utilium & liberalium cultu, exsiliendi saltem licentiam tolleret, & sodalium malorum corruptelis locum præcluderet, dicerem non ipsorum modo juvenum, excelsæ saepe indolis, incolumitati, propinquorum spei, sed & reipublicæ saluti magis fertili bonorum civium proventu, egregie consulendum iri. Quin neque ambigo idem quoq; feliciter successurum consilium; si qui gulæ ingenium liberis saepe conciliant divites & opulentis, iis, quas voluptatibus devovere solent, impensis vek quantillum decerperent & ad procurandam in futurum sui suorumque adeoque publicam felicitatem.

temp.

tem, animum ex æqvo & bono
adficere vellent.

§. XVI.

PLures adhuc recensere posse-
mus, qui in ergastulis coño-
dam habere possent stationem.
Præsertim prodigiis, (qui a deco-
ctorib' improbis in eo solum diffe-
runt, qvōd isti in suam ipsorum
incolumitatem & viscera demum
sæviant; hi vero præter bona pro-
pria, aliena quoqve, quæ mutuo
sumserant, abliguriant,) puta a-
leatoribus & ceteris suæ & alienæ
juventutis corruptoribus locum
in hac scena non postremum ex-
orarem, si non publice constaret
pluribus leverissimis edictis obviā
ivisse nuper malo isti **PRINCIPES**
Svethiæ AUGUSTOS, neq; argen-
tum modo aleæ expositum una
cum mulcta, sustinendo ergastu-
lo pie consecrasse, sed liberam
opum;

opum administrationem insuper singulis quoque derogasse, quos ad decoquendam apud alios famam & possessiones suas, impetus & peregrinæ vis cæca confuetudinis subinde propellat. Verum imperata brevitas a recensiōe plurimū ergastulariorum nos abstinere jubet, atq; e vestigio vela cōtrahere. Antequam vero abeamus hinc primis duntaxat digitis eam quæstionem attingere liber: Num nisi, qui a religione in republica usitata, diffentiunt, juste ergastulis quoque mancipari possunt? Ad hanc quæstionem respondemus negando, quamdiu hæresis eorum iniactum aliquem societati humanae perniciosum sese non dimittit, quandoquidem animæ & conscientiæ hominum argumentis & evidenteribus rationis demonstratiōnibus mutantur, non vero ergastulis, verberibus &c. aliis id;

genus. Tamen ecclesiæ Christianæ licitum esse non negamus, si ex membris ejus aliqui in errorem prolabantur, post repetitas admonitiones & instructiones, secundum ordinem Evangelii, si modo pertinaces remaneat, excindere eosdem a societate sua, gladio spiritus, & denudare iis privilegiis, quæ tanquam membra corporis ecclesiastici habituri essent; non vero licet spoliare eos communibus istis privilegiis, quibus fruuntur, non quatenus sunt Christiani, sed quatenus homines sunt & societatis civilis membra.

Ceterum jacta pridem anchorâ, non est quod pelago me iterum iterumque committam; Quamobrem Temet B: L: quapropter est observantia rogo, ut hæc qualiacunque, quæ tecum communicavi, in Tua humanitate demum

num inveniant patrocinium; id-
que tanto impensius a Te oro
speroque, quanto certius mihi
constat, honestis conatibus a
bono quovis favorem aut saltem
et quanimitatem excusationeque
denegari non solere.

SOLI DEO GLORIA.

